

GARBITANIA ZERO ZABOR S.M.k
HERNANIKO ETA USURBILGO UDALERRIETAN SELEKTIBOKI JASOTAKO
BIO-HONDAKINEN TRANSFERENTZIA ZERBITZUA KONTRATATZEKO
AGIRI TEKNIKOA



Aurkibidea

1. - AGIRI TEKNIKOAREN HELBURUA	3
2. – LURRALDE EREMUA.....	3
3. – ZERBITZUAREN DESKRIBAPENA.....	3
3.1. Bildu beharreko hondakinak	3
3.2.-Bilketaren modalitatea	3
3.3. Bildu beharreko hondakinen kopurua	5
3.4. Bilketa maiztasuna, egutegia eta ordutegia	5
3.5. Bilketaren beste alderdi batzuk.....	6
3.6. Bio-hondakinaren garraioa.....	6
4. – ZERBITZUAREN ANTOLAKETA	7
5. – LANEN GAINBEGIRATZEA.....	7

1. - AGIRI TEKNIKOAREN HELBURUA

Agiri honen xedea ondorengo da: Hernaniko eta Usurbilgo udalerrietan gaika bildutako bio-hondakinaren garraio zerbitzua kontratatzeke oinarri gisa erabiliko diren hainbat baldintza tekniko zehaztea.

Zerbitzuaren laburpena honakoa da: Garbitania Zero Zabor S.M.k Hernaniko eta Usurbilgo udalerrietan biltzen duen eta udalerri horietako garbiguneetan kokatuak dauden eta San Marko mankomunitateko jabegoak diren bio-hondakinarentzako kontainerrean bildutako organikoa jaso, eta San Markoko tolban hustu eta kontainer bakoitza berriro ere garbiguneetan hutsik birkokatzea.

2. – LURRALDE EREMUA

Agiri honetan deskribatzen diren garraio lanak Hernaniko eta Usurbilgo udalerrietara mugatuko dira.

3. – ZERBITZUAREN DESKRIBAPENA

Zerbitzu honen lanetan, Garbitania Zero Zabor S.M.-k utzitako bio-hondakinak transferentzia edota tratamendu-zentraraino garraiatzera arte beharrezkoak diren eragiketa guztiak sartuko dira.

3.1. Bildu beharreko hondakinak

Hernaniko eta Usurbilgo udalerrietan Garbitania Zero Zabor S.M.-k atez ateko gaikako bilketan jasotako bio-hondakinak dagokien edukiontzietan deskargatu ondoren, Mankomunitateak zein Gipuzkoako Hondakinen Kontsoltzioak Garbitaniari agindutako tokian deskargatu beharko dira. Egun, San Markoko transferentzia gunera garraiatu beharko dira. Zerbitzuaren esleipendunaren betebeharra izango da zerbitzua ematea Garbitania Zero Zabor S.M.-k ezarritako egutegi, maiztasun eta ordutegiarekin bat, honek esleitutako zerbitzuaren prezioan aldaketarik suposatuta gabe.

Zerbitzuaren esleipendunak ez ditu jasoko hondakin mota ezberdinen nahasketa heterogeneoak dituzten bio-hondakinak.

3.2.-Bilketaren modalitatea

Kontainerrak garraiatzea izango da zerbitzu honen modalitatea.

Ez bada bio-hondakinaren egoera zuzena esleipendunaren funtzioa izango da zerbitzuari dagokion udalerriko atez ateko informazio bulegoari jakinaraztea.

Garbitania Zero Zabor S.M.-k gaika bildutako bio-hondakina gutxienez 20m³-ko kontainer batean hustuko dute bilketarako ekipoei. Kontainer hori San Markoko mankomunitateak ezarri eta bere jabegokoa izango da eta ezaugarri hauek ditu:

- Gantxoaren bidez kamioiak heltzeko aukera izango du.
- Euriak barruko karga ez bustitzeko toldo bat izango du
- Ondorengo argazkietan agertzen da egun dagoen edukiontzia-erredua:



Hala ere, San Marko mankomunitatearen edukiontzi hauek aldatzea gerta daiteke, horiek kargatzeko ibilgailuaren aldaketa suposatuko ez lukeelarik.

Arestian aipatu gisa, garraiatutako kontainerrak San Marko Mankomunitatearenak izanik berak adierazi gisa erabiliak izango dira. Erabilera okerrarengatik matxurarik edo hausturarik sortuko balitz kontainerretan honela jokatu da:

- Erabilera desegokia eta matxuraren ardura Garbitaniaren langileena izan bada Garbitania egingo da konponketaren kostearen kargu.
- Erabilera desegokia eta matxura esleipendunarena bada kostuaren kargu esleipenduna egingo da. Edozein kasutan, esleipendunak matxuraren berri ahal bezain pronto emango dio Garbitaniari.

Baldintza klimatikoak direla eta urtaro jakin batzuetan (udara eta udazkenean bati-bat) Usurbilgo garbigunean usainen arazoak sortuko balira, larunbatetan Hernanikoaz gain Usurbilgo organikoa ere garraiatuko litzateke (14:30etatik aurrera), Usurbilgo garraioen maiztasuna astean bitik hirura pasatuaz (Garbitaniako teknikoek horrela erabakiz gero). Nolanahi ere, maiztasuna bere onera etorriko da aldaketa eragin duten baldintzak desagertzean.

Zerbitzuaren maiztasunean aldaketarik egongo balitz prezio unitarioa ez litzateke berrikusiko, aldiz, deskarga puntua 20km edo gorako desbideraketa egongo balitz (gora edo behera) prezio unitarioa berrikusi eta egokituko litzateke.

Bio-hondakinez betetako kontainerren garraioa ibilgailu egoki baten bidez egingo da, eskaintzaileak proposatu eta arrazoituko duen gisan.

3.3. Bildu beharreko hondakinen kopurua

Azken hilabeteotan udalerrri bakoitzetik bidaia bakoitzean garraiatutako bio-hondakin kopurua honakoa izan da:

HERNANI

2015ean bidaia bakoitzean garraiatutako tonak: Media, maximoa eta minimoa

Bidaia egunak	Bidaiaiko Tn media	Bidaiaiko Tn minimoa	Bidaiaiko Tn maximoa
Astelehena	8,89	6,9	12,04
Osteguna	12,67	8,26	14,28
Larunbata	7,81	5,24	11,32

Datu hauek ez dira mugatzaileak eta beraz, kontratuaren epealdian alda daiteke, ohiko funtzionamenduan izan daitezkeen igoera edota jaitsieretan oinarrituta.

USURBIL

2015ean bidaia bakoitzean garraiatutako tonak: Media, maximoa eta minimoa

Bidaia egunak	Bidaiaiko Tn media	Bidaiaiko Tn minimoa	Bidaiaiko Tn maximoa
Astelehena	8,05	5,02	10,04
Osteguna	6,03	4,34	7,20

Datu hauek ez dira mugatzaileak eta beraz, kontratuaren epealdian alda daiteke, ohiko funtzionamenduan izan daitezkeen igoera edota jaitsieretan oinarrituta.

2015ean eginiko bidaia kopuruak honakoak izan dira:

	Urta.	Otsa.	Mar.	Api.	Mai.	Eka.	Uzta.	Abuz.	Ira.	Urri.	Aza.	Abe.
Hernani	14	12	13	13	13	13	13	14	12	14	13	13
Usurbil	9	8	9	9	8	9	9	9	8	10	9	9

3.4. Bilketa maiztasuna, egutegia eta ordutegia

Esleipendunak Garbitaniak esandako egunak eta ordutegiak errespetatu beharko ditu. Edozein kasutan, zerbitzua astean hirutan eskainiko da, eta aldaketarik ezean astelehen, ostegun eta larunbat, beti bio-hondakinaren atez ateko gaikako bilketa zerbitzua amaitu ondoren. Arrazoi ezberdinak medio zerbitzua egunez aldatu behar balitz esleipendunak onartu egin beharko du.

Gaur egun, bio-hondakinen gaikako bilketa zerbitzua astean hirutan burutzen du Garbitaniak. Usurbilgo udalerrian astelehen, ostegun eta larunbat goizetan. Hernaniko udalerrian igande, asteazken eta ostiral gauetik hurrengo eguneko goizera arte.

Garbitania Zero Zabor S.M.ren esku geratzen da kontratatutako bilketa maiztasuna handitzea, zerbitzu egoki bat bermatzeko.

Esleipendunak proposatu eta Garbitania Zero Zabor S.M.k onartutako egutegia zorrozki errespetatu eta bete beharko da. Jaiegunetan ere zerbitzua normal emango da, kasu bakoitzean Garbitania Zero Zabor S.M.k emandako argibideekin bat.

Kontainerren biltze ordutegia gaikako bilketa zerbitzuaren lanordura moldatuko da, egun bakoitzean jasotako bio-hondakin guztiaren garraioa egiteko. Gaur egun, bio-hondakinaren gaikako bilketa zerbitzua ondorengo orduetan amaitzen da egoera normaletan eta horietatik aurrera burutu beharko litzateke euren garraioa:

	Usurbil	Hernani
Astelehenak	14.30	14.30
Ostegunak	14.30	14.30
Larunbatak	-	9.00

Kontrolagarriak izan ez diren kanpo faktoreengatik bilketa amaiera ordua atzeratuko balitz, zerbitzua Garbitaniak azken deskarga burutu ostean egingo litzateke. Beti ere Garbitaniak esleipendunari abisua pasatuko diolarik aurretiaz.

3.5. Bilketaren beste alderdi batzuk

Kontainerren garraio zerbitzuak horiek jaso baino lehen, barnekoa ondo bereizita dagoela egiaztatu beharko du. Helburua hondakinak modu egokian entregatzea da.

Bilketa zerbitzuak hondakin desegokiak dituen karga bat hautematen badu, beti bildu baino lehen atez ateko informazio bulegoari jakinarazi beharko dio edozein erabaki hartzeko eta bertan aztertu ondoren esaten zaiona egin beharko du.

Esleipendunak zerbitzua egitean kontuan izango du, kontainerak manipulatzeko dituen gunea ez zikintzeko. Manipulazio eragiketetan isurtzen diren hondakinak garraiorako langileek berehala erretiratu dituzte.

Esleipendunak ordutegia zorrozki betetzen dela zaindu beharko du. Ordutegia ezinbesteko arrazoirik gabe behin eta berriz betetzen ez bada, Garbitania Zero Zabor S.M.k plegu administratiboetan xedatutakoari jarraiki, zigortzeko ahalmena izango du.

Esleipendunak kontainerren jasotze eta garraio lanetan lan arriskuen prebentzio arauak betetzen direla zaindu beharko du. Horretarako, eskaintzaileek beren eskaintzetan betetzeko neurriak definituko dituzte; zehaztasun mailak nahikoa zabala eta xehea izan beharko du.

Zerbitzu honen bidez jasotako material guztia Hernaniko nahiz Usurbilgo udalaren jabetzakoa izango da ondorio guztietarako.

3.6. Bio-hondakinaren garraioa

Esleipendunak jasotako bio-hondakinak Erreterria-Oreretako udalerrian kokatutako San Markoren instalazioetako bio-hondakinatarako transferentzia gunera garraiatu beharko ditu egun. Bere kabuz ezingo ditu esleipendunak beste inora eraman. Hustuketa puntua Garbitaniak aginduta aldatuko da soilik,

eta aldaketa hori 20 km edo hortik gorakoa bada soilik izango du prezio unitarioan berrikuspena.

Esleipendunak une oro tratamendu plantak zehaztutako arauak eta baldintzak bete eta onartu beharko ditu.

Materiala deskargatzerako garaian hondakin ez onargarriak izateagatik, hauek berreskuratzea saihestu edo zailtzen dutelako, bilketa ibilgailuen karga tratamendu zentroan atzera botatzen bada, esleipendunak bere gain hartuko ditu behar bezala kudeatu arteko gastu guztiak.

Esleipendunak beharrezko neurriak hartuko ditu garraioan zehar bio-hondakinik ez isurtzeko.

4. – ZERBITZUAREN ANTOLAKETA

Eskaintzaileek zerbitzuaren antolaketaren proiektua, bitartekoak eta langileak definituko dituzte, gutxienez honako puntuak azalduz:

- Zerbitzua eskaintzeko ekipoaren deskribapena: ibilgailu mota (fitxa teknikoa eta argazkiak) eta langileak.
- Esleipendunaren instalazio finkoetan edukiko diren erreserbako ibilgailuak eta ibilgailuen aberia nahiz programatutako geldialdietan zerbitzua zehaztutako egutegi eta ordutegian emateko aurreikusitako Jarraibideen Plana.
- Zerbitzua hobeto deskribatzeko beharrezko datu guztiak.

5. – LANEN GAINBEGIRATZEA

Garbitania Zero Zabor S.M.ren esku geratzen da kontratatutako zerbitzuen zuzendaritza fakultatiboaren eskubidea erabiltzea. Horretarako, agiri honen xedea diren lanen gauzatzea zuzendu eta gainbegiratu duten arduradun pertsona bat edo gehiago izenda ditzake. Pertsona horiek lanen burutze zuzenaz arduratuko dira eta kontratistari edo Zuzendaritzako arduradunei bideratuko dizkiete beharrezko agindu eta jarraibideak. Horri dagokionez, esleipendunak proiektuaren arduradun pertsona bat edo gehiago izendatuko ditu Garbitania Zero Zabor S.M.rekin hizketakide-lanak egiteko, gai hau idatziz komunikatu beharko delarik. Idatzian azaldu beharko dira jakinarazpenetarako izena, posta helbidea, telefono zenbakia, posta elektronikoko helbidea, etab. Aldaketarik dagoen kasuan, informazio hau eguneratu egingo da.

Esleipendunak astero honakoak igorri beharko ditu Garbitaniak agindutako helbide elektronikora: intzidentziak, garraioen informazioa gutxienez honakoa zehaztuz: pisu gordina, tara, garbia, hondakin mota, LER zenbakia, pisaketa eguna, ordua, lekua, asteko eguna kamioiaren matrikula, albaran zenbakia, langilea, hondakinen jatorria (Hernani-usurbil)), eguneroko pisaketa taulak formatu informatikoan.

Hilabetea amaitu eta lehen bost egunetan posta elektronikoz hilabete osoari dagokion eta aurreko paragrafoan zehaztutako informazio guztia excell formatuan igortzeaz gain faktura aurreratuko du, bertan herri bakoitzari eginiko bidaiak ezberdinduak jasoko direlarik. Informazio hau guztia paperean hilabeteko azken egunaren ondoren 15 egunera gehienez ere igorri beharko ditu, albaran originalak gehituko direlarik.

Kontratistaren betebeharra izango da Garbitania Zero Zabor S.M.k antolatutako bileretara honek zehaztutako leku eta orduan agertzea, kontratuaren inguruan

eskatzen zaion dokumentazio guztia ematea Garbitania Zero Zabor S.M.k adierazitako epean eta baita honen langileei agiri honen xede diren zerbitzuekin erabat edo partzialki lotutako instalazio, bulego eta ekipamenduetara sarrera erraztea.

Eskatutako informazioa lantzea (inprimatzea, fotokopiatzea, euskarri informatikoan grabatzea, etab.) esleipendunaren kontu izango dira, horretarako material eta ekipoen kostuak barne.

Zerbitzu hau esleitzeko unean, esleipendun enpresak aipatu hondakinak bildu eta garraiatzeko, Hondakinei eta zoru kutsatuei buruzko 22/2011 legeak jasotzen dituen eta Eusko Jaurlaritzako Ingurumen eta Lurralde Politikako sailak jardueran aritzeko ematen dituen baimen eta erregistroen jabe izan beharko du. Horrez gain, egungo nahiz etorkizuneko araudietatik eratorritako beharrezko baimen guztien jabe izan beharko du. Honela, beharrezkoa izango da kontratista hondakin ez arriskutsuen garraiolari gisa homologatua egotea.

EGINBIDEA.- Baldintza Teknikoen Agiri hau GARBITANIA ZERO ZABOR S.M.

Administrazio Kontseiluak onartu zuen, 2016ko martxoaren 17an egindako bilkuran.

Hernanin, 2016ko martxoaren 17an.



LEHENDAKARIA



GERENTEA